

Double standards

شوية نقط عالحروف...

١. مع حرية التفكير السياسي والتموضع اكيد. بس بدو يكون في منطق وتسلسل.
٢. ما فيك تكون كتايب او قوات او احرار او مرده، وما يكون خطك خط يوحنا مارون والمردة. وبالتالي ما فيك تحط مصلحة لبنان (لبنان الاداري / الجمهورية) فوق مصلحة المجتمع المسمى خطأً بمسيحي (علمياً الكنعاني / الفينيقي وفق الاغريق، بمؤمنيه وبملحديه، وبطوايفو المارونية والرومية وارثو السرياني - البيزنطي). [كان فيي قول "عوني" كمان بس Embchki عن اقله الاحزاب يلي حطت شهدا بحرب السنتين]. ما فيك اتضح بحالك للتعايش. لا يوحنا مارون عملها، ولا سائر البطاركي، ومنذكر "إذا خيرنا بين العيش المشترك والحرية نختار الحرية"، على قاعدة قول يسوع: "ماذا نفع الانسان اذا ربح العالم وخسر نفسه".
٣. اهلاً وسهلاً بكل مسلم بينضم لأحزابنا، ومبروك لكل مسيحي بأحزاب مسلمة. بس المسلم يلي معنا تقنياً بطل "مسلم عملياً". الإسلام إلو تعريف وأصول. والعكس بالعكس، ما فيك تكون كنعاني مسيحي ماروني / رومي او ملحد، وتمشي بأحزاب مسلمة، لأن أهدافن السياسية تامين ديمومتن مش ديمومة ثقافتك، وهيدا شي طبيعي. هني امة، ونحنا امة. إذا بدي استعمل مرادف، هني شعب ونحنا شعب. مثل شعبين ببلجيكا سوسيولوجياً، الفلامان والوالون، بس شعب واحد بلجيكي ادارياً _ بس ضمن فدرالية. او مثل شعبين تشيكي وسلوفاكي سوسيولوجياً، كانوا تشيكوسلواكيي إدارياً وقسمو.
٤. بالتالي، ما فيك كمحازب مسيحي تعتز بمسلم معك وبزات الوقت تبزق عمسيحي مع الاحزاب يلي بوجك وعلوايحن الانتخابية وتقول عنو خاين. في ازدواجية هون.